

Ágæta nefnd.

Með mikilli virðingu og velvilja fyrir þeirri starfsemi sem fyrirhuguð er í umræddri nýbyggingu þá er að mínu mati það að reisa stórt iðnaðarhúsnæði í miðbæ Siglufjarðar árið 2021 algjör tímaskekkja.

Ekki einungis að há byggingin taki útsýni frá fjölmörgum íbúum, heldur hversu mikið þetta breytir ásýnd miðbæjarins og hverfisheildinni svo um munar.

Sjaldan hefur verið fleira af ungu fólki sem búa í miðbænum og ekki síst á neðanverðri Þormóðseyri og eitt er það að vinna með þau iðnaðarhúsnæði sem fyrir eru en að viljandi að bæta við stórum iðnaðarhúsnæðum í miðbænum er skrítn stefna.

Markmiðið hefur verið að styrkja bæjarímyndina sem einkennir staðinn. Vinna stendur yfir að mati á að Þormóðseyri sé "Verndarsvæði í byggð" og á sama tíma er einnig verið að byggja upp ferðaþjónustu á svæðinu þar sem mikið er lagt upp úr því að halda í heildarmynd.

Í ljósi þess þá er mikilvægt að vanda sig því að nóg er af landi undir iðnaðarhúsnæði þó ekki sé verið að reisa það í miðri íbúðarbyggð.

Fyrir nokkrum árum sóttum við íbúar á Aðalgötu 15 um að byggja bílskúr á lóð fyrir sunnan Aðalgötu 15 en fengum höfnun af þeirri ástæðu að þetta væri fyrirhuguð íbúðarbyggð.

Fyrir venjulegann leikmann lítur þetta þannig út að ekki sé verið að stuðla að betri lífsgæðum fyrir íbúa, ekki verið að stuðla að betri ásýnd bæjarins en að sjálfsögðu skil ég og er hlynnt því að það þurfi að greiða götur skapandi atvinnugreina en það má auðveldlega gera það á minni kostnað íbúana og á því svæði sem sem eru betur til þess fallin (fyrir íbúana) eins og td Tangan, heldur en í miðjum miðbænum.

Bestu kveðjur.

Steinunn Marteinsdóttir.

Íbúar á Aðalgötu 15

Steinunn Marteinsdóttir

Halldór Þór Hafsteinsson

Álfhildur Stefánsdóttir

Íbúar á Aðalgötu 17

Sigurjóna Bára Hauksdóttir

Sveinn Þorsteinsson